

أنا العاشق

أنا العاشق .. وعشقى عذاب

وقلبي علقوا بيكى أمل كذاب

ويا المعشوقة ليه قافله...

ف وشى الباب ؟؟؟

وليه بتضدى أحبابك...!!!

وبتردى على الأغراب...!!!؟

وليه نبض الحياة فيكى ..

سراب ف سراب...؟؟؟

دا أنا العاشق وعشقى عذاب

.....

أنا المجروح وترياقى

ما بين الرمش والحاجب

ولما اشتاق وتشتاقى

أتوه ف الوصف واتعجب
ولما لمحت أحبابك
جريت دوغرى على بابك
لقيتك ... بس يا خسارة
خطوا ما بينا ميت حاجب
دا انا العاشق وعشقى عذاب